

文選正文

山子點

一

へ 16

3162

1

文選正文卷之一

南郭先生句讀

兼山先生國讀

門人葛山壽校

後學久保謙重訂

賦類

兩都賦序

班固

或曰賦者古詩之流也。昔成康沒而頌聲寢。王澤竭而詩不作。大漢初定。日不暇給。至於武宣之世。乃崇禮官。考文章。內設金馬石渠之署。外興樂府協律之事。以興廢繼絕。潤色鴻業。是以衆庶悅豫。福應尤盛。白麟赤鴈。芝房寶鼎之歌。薦於郊廟。神雀五鳳。甘露黃龍之瑞。以爲年紀。故言語侍從之臣。若司馬相如。虞丘壽王。東方朔。枚臯。王褒。劉向之屬。朝夕論思。日月獻納。而公卿大臣。御史大夫。掾史。太常。孔臧。大中。大

夫董仲舒宗正劉德太子太傅蕭望之等。時時間作。或以抒下情而通諷諭。或以宣上德而盡忠孝。雍容揄揚。著於後嗣。抑亦雅頌之亞也。故孝成之世。論而錄之。蓋奏御者千有餘篇。而後大漢之文章炳焉。與三代同風。且夫道有夷隆。學有麤密。因時而建德者。不以遠近易則。故皋陶歌虞。奚斯頌魯。同見采於孔氏。列於詩書。其義一也。稽之上古。則如彼考之漢室。又如此。斯事雖細。然先臣之舊式。國家之遺美。不可闕也。臣竊見海內清平。朝廷無事。京師修宮室。浚城隍。而起苑囿。以備制度。西土耆老。咸懷怨思。冀上之略顧。而盛稱長安舊制。有陋洛邑之議。故臣作兩都賦。以極衆人之所眩曜。折以今之法度。辭曰。

西都賦

有西都賓。問於東都主人曰。蓋聞皇漢之初。經營也。嘗有意乎都河洛矣。輟而弗康寔。用西遷。作我上都。主人聞其故而觀其制乎。主人曰。未也。願賓據懷舊之蓄念。發思古之幽情。博我以皇道。弘我以漢京。賓曰。唯唯。漢之西都。在於雍州。定曰長安。左據函谷二嶠之阻。表以太華終南之山。右界褒斜隴首之險。帶以洪河涇渭之川。衆流之隈。汧涌其西。華實之毛。則九州之上腴焉。防禦之阻。則天地之隩區焉。是故橫被六合。三成帝畿。周以龍興。秦以虎視。及至大漢受命。而都之也。仰悟東井之精。俯協河圖之靈。奉春建策。留侯演成。天人合應。以發皇明。乃眷西顧。寔惟作京。於是睠秦嶺。蹠北阜。挾

灋灋據龍首圖皇基於億載度宏規而大起肇自高而終平
世增飾以崇麗歷十二之延祚故窮泰而極侈建金城之萬
雉呀周池而成淵披三條之廣路立十二之通門內則街衢
洞達閭閻且千九市開場貨別隧分人不得顧車不得旋闐
城溢郭旁流百塵紅塵四合煙雲相連於是旣庶且富娛樂
無疆都人士女殊異乎五方遊士擬於公侯列肆侈於姬姜
鄉曲豪舉遊俠之雄節慕原嘗名亞春陵連交合衆騁驚乎
其中若乃觀其四郊浮遊近縣則南望杜霸北眺五陵名都
對郭邑居相承英俊之域級冕所興冠蓋如雲七相五公與
乎州郡之豪傑五都之貨殖三選七遷充奉陵邑蓋以強幹
弱枝隆上都而觀萬國也封畿之內厥土千里卓犖諸夏兼

其所有其陽則崇山隱天幽林窮谷陸海珍藏藍田美玉商
洛緣其隈郭杜濱其足源泉灌注陂池交屬竹林果園芳草
甘木郊野之富號爲近蜀其陰則冠以九嶷陪以甘泉乃有
靈宮起乎其中秦漢之所極觀淵雲之所頌歎於是乎存焉
下有鄭白之沃衣食之源提封五萬疆場綺分溝塍刻鏤原
隰龍鱗決渠降雨荷插成雲五穀垂穎桑麻鋪荼東郊則有
通溝大漕潰渭洞河泛舟山東控引淮湖與海通波西郊則
有上囿禁苑林麓藪澤陂池連乎蜀漢繚以周牆四百餘里
離宮別館三十六所神池靈沼往往而在其中乃有九真之
麟大宛之馬黃支之犀條枝之鳥踰崑崙越巨海殊方異類
至於三萬里其宮室也體象乎天地經緯乎陰陽據坤靈之

正位放。大紫之圓方。樹中天之華闕。豐冠山之朱堂。因瓌材而究奇。抗應龍之虹梁。列芬櫟以布翼。荷棟桴而高甍。雕玉璵以居檻。裁金璧以飾璫。發五色之渥彩。光焰朗以景彰。於是左城右平。重軒三階。闔房周通。門闕洞開。列鐘虞於中庭。立金人於端闕。仍增崖而衡闕。臨峻路而啓扉。狗以離宮。別寢承以崇臺。間館煥若列宿。紫宮是環。清涼宜溫。神仙長年。金華玉堂。白虎麒麟。區宇若茲。不可殫論。增盤崔嵬。登降炤爛。殊形詭制。每各異觀。乘茵步輦。惟所息宴。後宮則有掖庭。椒房。后妃之室。合歡增城。安處常寧。茝若椒風。披香發越。蘭林蕙草。鴛鴦飛翔之列。昭陽特盛。隆於孝成。屋不呈材。牆不露形。裊以藻繡。絡以綸連。隨侯明月。錯落其間。金鉉銜璧。是

爲列。錢翡翠火齊流耀。含英懸黎垂棘。夜光在焉。於是玄輝鈿砌。玉階彤庭。硨磲綵織。琳珉青瑩。珊瑚碧樹。周阿而生。紅羅颯纒。綺組繽紛。精曜華燭。俯仰如神。後宮之號。上有四位。窈窕繁華。更盛迭貴。處乎斯列者。蓋以百數。左有庭中朝堂。百寮之位。蕭曹魏邴。謀謨乎其上。佐命則垂統。輔翼則成化。流大漢之愷悌。盪亡秦之毒螫。故令斯人揚樂和之聲。作畫一之歌。功德著乎祖宗。膏澤洽乎黎庶。右有天祿石渠典籍之府。命夫惇誨。故老名儒。師傅講論乎六藝。稽合乎同異。又有承明金馬。著作之庭。大雅宏達。於茲爲羣。元元本本。殫見洽聞。啓發篇章。按理祕文。周以鈞陳之位。衛以嚴更之署。總禮官之甲科。羣百郡之廉孝。虎賁贅衣。闔尹闔寺。陛戟百重。

文選山文卷之四
各有典司。周廬千列。微道綺錯。輦路經營。脩除飛閣。自未央而連桂宮。北彌明光。而且長樂。陵塏道而超西墉。混建章而連外屬。設壁門之鳳闕。上觚稜而棲金爵。內則別風嶢嶢。眇麗巧而聳摧張。千門而立萬戶。順陰陽以開闔。爾乃正殿崔嵬。層構厥高。臨乎未央。經駘盪而出。馭娑洞於詣。以與天梁。上反宇以蓋戴。激日景而納光。神明鬱其特起。遂偃蹇而上。躋軼雲雨於太半。虹霓迴帶於芬楣。雖輕迅與僛。狡猶惛眙。而不能階攀井幹。而未半日眩轉。而意迷捨。擗檻而却倚。若顛墜而復稽。覓怳怳以失度。巡迴塗而下低。旣懲懼於登望。降周流以徬徨。步甬道以縈紆。又杳窅而不見。陽排飛闕而。上出若遊目於天表。似無依而洋洋。前唐中而後太液。覽滄

海之湯湯。揚波濤於碣石。激神嶽之嵒嵒。將將溫瀛洲與方壺。蓬萊起乎中央。於是靈草冬榮。神木叢生。巖峻嶒嶒。金石崢嶸。抗仙掌以承露。擢雙立之金莖。軼埃壘之混濁。鮮顯氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛遊之壯觀。奮泰武乎上囿。因茲以威戎。夸狄耀威靈。而講武事。命荊州使起鳥詔。梁野而驅獸。毛羣內闐。飛羽上覆。接翼側足。集禁林而屯聚。水衡虞人修其營表。種別羣分部。曲有署。罽網連紘。籠山絡野。列卒周匝。星羅雲布。於是乘鑾輿。備法駕。帥羣臣。披飛廉。入苑門。遂繞鄴鄴。歷上蘭。六師發逐。百獸駭殫。震震爚爚。雷奔電激。草木塗地。山淵反覆。蹂躪其十二三。乃初怒。

而少息。爾乃期門伏飛，列刃攢鏃，要趺追蹤。鳥驚觸絲，獸駭
值鋒。機不虛荷，弦不再控。矢不單殺，中必疊雙。颼颼紛紛，增
繳相纏。風毛雨血，灑野蔽天。平原赤勇，士厲援狄。失木豺狼
懾竄，爾乃移師趨險，並蹤潛穢。窮虎奔突，狂兇觸蹶。許少施
巧，秦成力折。倚標狡扼，猛噬脫角。挫脰徒搏，獨殺挾師。豹拖
熊螭，曳犀犛。頓象罷超，洞壑越峻。岨岨巖巨，石頽松柏。仆
叢林，摧草木，無餘禽獸殄夷。於是天子乃登屬玉之館，歷長
楊之榭，覽山川之體勢，觀三軍之殺獲。原野蕭條，目極四裔。
禽相鎮壓，獸相枕藉。然後收禽會衆，論功賜胙。陳輕騎以行
魚騰，酒車以斟酌。割鮮野食，舉烽命爵。饗賜畢，勞逸齊。大輅
鳴鑾，容與徘徊，集乎豫章之宇，臨乎昆明之池。左牽牛而右

織女，似雲漢之無涯。茂樹蔭蔚，芳草被隄。蘭茝發色，曄曄猗
猗。若摘錦與布繡，燭耀乎其陂。鳥則玄鶴白鷺，黃鵠鵙鵙。鵠
鵠鵙鵙，鳥鷺鴻鴈，朝發河海，夕宿江漢。沈浮往來，雲集霧散。
於是後宮乘輶輅，登龍舟，張鳳蓋，建華旗，祛黼帷，鏡清流。靡
微風，澹淡浮，擢女謳鼓，吹震聲，激越警厲。天鳥羣翔，魚窺淵
招白鵠，下雙鵠，掄文竿，出比目，撫鴻量，御增纖，方舟並驚，俛
仰極樂。遂乃風舉雲搖，浮遊溟覽。前乘秦嶺，後越九嶷，東薄
河華，西涉岐雍。宮館所歷，百有餘區。行所朝夕，儲不改供。禮
上下而接山川，究休佑之所用。采遊童之歡謠，第從臣之嘉
頌。於斯之時，都都相望，邑邑相屬。國籍十世之基，家承百年
之業。士食舊德之名氏，農服先疇之畝畝。商脩族世之所鬻。

工用高曾之規矩。粲乎隱隱。各得其所。若臣者。徒觀迹於舊墟。聞之乎故老。十分未得其一端。故不能徧舉也。

東都賦

東都主人喟然而歎曰。痛乎風俗之移人也。子實秦人。矜誇館室。保界河山。信識昭襄而知始皇矣。焉覩大漢之云爲乎。夫大漢之開元也。奮布衣以登皇位。由數耨而創萬代。蓋六籍所不能談。前聖靡得而言焉。當此之時。功有橫而當天。討有逆而順民。故婁敬度勢而獻其說。蕭公權宜而拓其制。時豈泰而安之哉。計不得以已也。吾子曾不是睹。顧曜後嗣之末造。不亦暗乎。今將語子以建武之治。永平之事。監於太清。以變子之惑志。往者王莽作逆。漢祚中缺。天人致誅。六合相

滅。于時之亂。生民幾亡。鬼神泯絕。壑無完柩。邪罔遺室。原野厭人之肉。川谷流人之血。秦項之災。猶不克半。書契以來。未之或紀。故下人號而上诉。上帝懷而降監。乃致命乎聖皇。於是聖皇乃握乾符。闡坤珍。披皇圖。稽帝文。赫然發憤。應若興雲。霆擊昆陽。憑怒雷震。遂超大河。跨北嶽。立號高邑。建都河洛。紹百王之荒屯。因造化之盪滌。體元立制。繼天而作。系唐統。接漢緒。茂育羣生。恢復疆宇。勳兼乎在昔。事勤乎三五。豈特方軌並跡。紛紛后辟。治近古之所務。蹈一聖之險易。云爾。且夫建武之元。天地革命。四海之內。更造夫婦。肇有父子。君臣初建。人倫寔始。斯乃伏羲氏之所以基皇德也。分州土。立市朝。作舟輿。造器械。斯乃軒轅氏之所以開帝功也。龔行天

○罰○應○天○順○人○斯○乃○湯○武○之○所○以○昭○王○業○也○遷○都○改○邑○有○殷○宗○
中○興○之○則○焉○卽○土○之○中○有○周○成○隆○平○之○制○焉○不○階○尺○土○一○人○
之○柄○同○符○乎○高○祖○克○已○復○禮○以○奉○終○始○允○恭○乎○孝○文○憲○章○稽○
古○封○岱○勒○成○儀○炳○乎○世○宗○按○六○經○而○校○德○眇○古○昔○而○論○功○仁○
聖○之○事○旣○該○而○帝○王○之○道○備○矣○至○於○永○平○之○際○重○熙○而○累○洽○
盛○三○雍○之○上○儀○修○袞○龍○之○法○服○鋪○鴻○藻○信○景○鑠○揚○世○廟○正○雅○
樂○神○人○之○和○允○洽○羣○臣○之○序○旣○肅○乃○動○大○輅○遵○皇○衢○省○方○巡○
狩○窮○覽○萬○國○之○有○無○考○聲○教○之○所○被○散○皇○明○以○燭○幽○然○後○增○
周○舊○修○洛○邑○扇○魏○魏○顯○翼○翼○光○漢○京○於○諸○夏○總○八○方○而○爲○之○
極○是○以○皇○城○之○內○宮○室○光○明○闕○庭○神○麗○奢○不○可○踰○儉○不○能○侈○
外○則○因○原○野○以○作○苑○填○流○泉○而○爲○沼○發○蘋○藻○以○潛○魚○豐○園○草○

以○毓○獸○制○同○乎○梁○鄒○誼○合○乎○靈○囿○若○乃○順○時○節○而○蒐○狩○簡○車○
徒○以○講○武○則○必○臨○之○以○王○制○考○之○以○風○雅○歷○騶○虞○覽○駟○騏○嘉○
車○攻○采○吉○日○禮○官○整○儀○乘○輿○乃○出○於○是○發○鯨○魚○鏗○華○鐘○登○玉○
輅○乘○時○龍○鳳○蓋○翠○麗○龢○鑾○玲○瓏○天○官○景○從○寢○威○威○容○山○靈○護○
野○屬○御○方○神○雨○師○泛○灑○風○伯○清○塵○千○乘○雷○起○萬○騎○紛○紜○元○戎○
竟○野○戈○鋌○雪○雲○羽○旄○掃○霓○旌○旗○拂○天○炎○炎○炎○炎○揚○光○飛○文○吐○
爛○生○風○飲○野○歡○山○日○月○爲○之○奪○明○丘○陵○爲○之○搖○震○遂○集○乎○中○
囿○陳○師○案○屯○駢○部○曲○列○校○隊○勒○三○軍○誓○將○帥○然○後○舉○烽○伐○鼓○
申○令○三○驅○輕○車○霆○激○驍○騎○電○驚○由○基○發○射○范○氏○施○御○弦○不○睨○
禽○轡○不○詭○遇○飛○者○不○及○翔○走○者○不○及○去○指○顧○倏○忽○獲○車○已○實○
樂○不○極○盤○殺○不○盡○物○馬○踴○餘○足○士○怒○未○浚○先○驅○復○路○屬○車○按○

節於是薦三犧效五牲禮神祇懷百靈觀明堂臨辟雍揚緝熙宣皇風登靈臺考休徵俯仰乎乾坤參象乎聖躬日中夏而布德瞰四裔而抗稜西盪河源東澹海濱北動幽崖南曜朱垠殊方別區界絕而不鄰自孝武之所不征孝宣之所未臣莫不陸訾水慄奔走而來賓遂綏哀牢開永昌春王三朝會同漢京是日也天子受四海之圖籍膺萬國之貢珍內撫諸夏外綏百蠻爾乃盛禮興樂供帳置乎雲龍之庭陳百寮而贊羣后究皇儀而展帝容於是庭實千品旨酒萬鍾列金罍班玉觴嘉珍御太牢饗爾乃食舉雍徹太師奏樂陳金石布絲竹鐘鼓鏗鐃管絃擊桴煜抗五聲極六律歌九功舞八佾詔武備泰古卑四夷間奏德廣所及傑休弗離因不具集萬

樂備百禮暨皇歡浹羣臣醉降烟燭調元氣然後撞鐘告罷百僚遂退於是聖上觀萬方之歡娛又沐浴於膏澤懼其侈心之將萌而怠於東作乃申舊章下明詔命有司班憲度昭節儉示太素去後宮之厲飾損乘輿之服御抑工商之淫業興農桑之盛務遂令海內棄末而反本背僞而歸真女修織紉男務耕耘器用陶匏服尚素玄耻纖美而不服賤奇麗而不珍捐金於山沈珠於淵於是百姓滌瑕盪穢而鏡至清形神寂寞耳目不營嗜欲之源滅廉耻之心生莫不優游而自得玉潤而金聲是以四海之內學校如林庠序盈門獻酬交錯俎豆莘莘下舞上歌蹈德詠仁登降飮宴之禮既畢因相與嗟歎玄德讜言弘說咸含和而吐氣頌曰盛哉乎斯世今

論者但知誦虞夏之書詠殷周之詩講義文之易論孔氏之
春秋罕能精古今之清濁究漢德之所由唯子頗識舊典又
徒馳騁乎末流溫故知新已難而知德者鮮矣且夫僻界西
戎險阻四塞修其防禦孰與處乎土中平夷洞達萬方輻輳
秦嶺九峻涇渭之川曷若四瀆五嶽帶河沂洛圖書之淵建
章甘泉館御列仙孰與靈臺明堂統和天人太液昆明鳥獸
之囿曷若辟雍海流道德之富游俠踰侈犯義侵禮孰與同
履法度翼翼濟濟子徒習秦阿房之造天而不知京洛之有
制識函谷之可關而不知王者之無外主人之辭未終西都
賓叟然失容逡巡降階揅然意下捧手欲辭主人曰復位今
將授子五篇之詩賓既卒業乃稱曰美哉乎斯詩義正乎揚

雄事實乎相如匪唯主人之好學蓋乃遭遇乎斯時小子狂
簡不知所裁既聞正道請終身而誦之其辭曰

明堂詩

於昭明堂明堂孔陽聖皇宗祀穆穆煌煌上帝宴饗五位時
序誰其配之世祖光武普天率土各以其職猗歟緝熙允懷
多福

辟雍詩

乃流辟雍辟雍湯湯聖皇涖止造舟爲梁皤皤國老乃父乃
兄抑抑威儀孝友光明於赫太上示我漢行洪化唯神永觀
厥成

靈臺詩

乃經靈臺靈臺既崇帝勤時登爰考休徵三光宣精五行布
序習習祥風祁祁甘雨百穀蓁蓁庶草蕃廩屢惟豐年於皇
樂胥

寶鼎詩

嶽修貢兮川效珍吐金景兮歆浮雲寶鼎見兮色紛紜煥其
炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素鳥嘉祥阜兮集皇都發皓
羽兮奮翹英容潔朗兮於淳精彰皇德兮侔周成永延長兮
膺天慶

西京賦

張衡

有憑虛公子者心多體怵雅好博古學乎舊史氏是以多識
前代之載言於安處先生曰夫人在陽時則舒在陰時則慘
此牽乎天者也處沃土則逸處瘠土則勞此繫乎地者也慘
則歎於歡勞則褊於惠能違之者寡矣小必有之大亦宜然
故帝者因天地以致化兆民承上教以成俗化俗之本有與
推移何以覈諸秦據雍而強周卽豫而弱高祖都西而秦光
武處東而約政之興衰常由此作先生獨不見西京之事歟
請爲吾子陳之漢氏初都在渭之涘秦里其朔寔爲咸陽左
有峭函重險桃林之塞綴以二華巨靈鼉負高掌遠蹠以流
河曲厥跡猶存右有隴坻之隘隔閭華戎岐梁汧雍陳寶鳴
雞在焉於前則終南太一隆崛崔嵬隱嶙鬱律連岡乎嶓冢

抱社含鄠。飲灋吐鎬。爰有藍田。珍玉是之自出。於後則高陵平原。據渭踞涇。漶漫靡迤。作鎮於近。其遠則有九峻甘泉。涸陰沍寒。日北至而含凍。此焉清暑。爾乃廣衍沃野。厥田上上。寔爲地之奧區。神臯昔者大帝悅秦繆公而覲之。饗以鈞天。廣樂帝有醉焉。乃爲金策。錫用此土。而翦諸鶉首。是時也。竝爲強國者有六。然而四海同宅。西秦豈不詭哉。自我高祖之始入也。五緯相汁。以旅於東。井婁敬委輅幹。非其議天啓其心。人基之謀。及帝圖時。意亦有慮乎神祇。宜其可定。以爲天邑。豈伊不虔。思於天衢。豈伊不懷。歸於汾榆。天命不滔。疇敢以渝。於是量徑輪考廣袤。經城洫營郭郭。取殊裁於八都。豈稽度於往舊。爾乃覽秦制跨周法。狹百堵之側陋。增九筵之

迫脅。正紫宮於未央。表堯闕於閭闔。疏龍首以抗殿。狀鬼峩以岌業。亘雄虹之長梁。結芬橑以相接。帶倒茄於藻井。披紅葩之狎獵。飾華榱與璧瑤。流景曜之曄曄。彫楹玉碣。繡栢雲楣。三階重軒。鏤檻文槐。右平左城。青瑣丹墀。刊層平堂。設切厓陳。坻嶠鱗眴。棧鬱嶢嶸。襄岸夷塗。脩路峻險。重門襲固。姦穴是防。仰福帝居。陽曜陰藏。洪鐘萬鈞。猛虡邁邁。負筍業而餘怒。乃奮超而騰驤。朝堂承東。溫調延北。西有玉臺。聯以昆德。嵯峨建業。罔識所則。若夫長年神仙。宣室玉堂。麒麟朱鳥。龍興含章。譬衆星之環極。叛赫戲以輝煌。正殿路寢。用朝羣辟。大厦耽耽。九戶開闢。嘉木樹庭。芳草如積。高門有閤。列坐金狄。內有常侍謁者。奉命當御。外有蘭臺金馬。遞宿迭居。次

有天祿石渠校文之處。重以虎威章溝嚴更之署。微道外周千廬內附。衛尉八屯。警夜巡晝。植鍛懸敵。用戒不虞。後宮則昭陽飛翔。增成合歡。蘭林披香。鳳凰鴛鴦。羣窈窕之華麗。嗟內顧之所觀。故其館室次舍。采飾纖縹。裊以藻繡。文以朱綠。翡翠火齊。絡以美玉。流懸黎之夜光。綬隨珠以爲燭。金陀玉階。彤庭輝輝。珊瑚琳碧。璚珉璘彬。珍物羅生。煥若崑崙。雖厥裁之不廣。侈靡踰乎至尊。於是鉤陳之外。閣道穹隆。屬長樂與明光。徑北通于桂宮。命般爾之巧匠。盡變態乎其中。於是後宮不移。樂不徙。懸門衛供帳。官以物辦。恣意所幸。幸下輦成燕窮年。忘歸。猶弗能徧。瑰異日新。殫所未見。惟帝王之神麗。懼尊卑之不殊。雖斯宇之旣坦。心猶憑而未據。思比象於紫

微恨阿房之不可廬。謁往昔之遺館。獲林光於秦餘處。甘泉而爽塏。乃隆崇而弘敷。旣新作於迎風。增露寒與儲胥。託喬基於山岡。直帶寬以高居。通天眇以竦峙。徑百常而葦擢。上辨華以交紛。下刻隋其若削。翔鸞仰而弗逮。況青鳥與黃雀。伏櫺檻而頻聽。聞雷霆之相激。栢梁旣災。越巫陳方。建章是經。用厭火祥。營宇之制。事兼未央。園闕竦以造天。若雙碣之相望。鳳騫翥於薨標。咸逆風而欲翔。閭之內。別風嶢嶢。何工巧之瑰瑋。交綺豁以疏寮。干雲霧而上達。狀亭亭以岩岩。神明崛其特起。井幹疊而百增。峙遊極於浮柱。結重欂以相承。累層構而遂躋。望北辰而高興。消雲埃於中宸。集重陽之清微。瞰宛虹之長髻。察雲師之所憑。上飛闥而仰眺。正觀瑤

光與玉繩將乍往而未半。怵悼慄而聳兢。非都盧之輕趨孰能超而究升。馭姿駘盪。薰鼻枯榮。紛詣承光。睽眖摩谿。增桴重勢。鐸鐸列列。反宇業業。飛檐轆轤。流景內照。引曜日月。天梁之宮。寔開高闕。旗不脫局。結駟方斷。櫟輻輳。驚容於一扉。長廊廣廡。連閣雲蔓。開庭詭異。門千戶萬。重閨幽闔。轉相逾延。望窳篠以徑廷。眇不知其所返。既乃珍臺蹇產。以極壯澄道。邈倚以正東。似聞風之遐坂。橫西洫而絕金墉。城尉不弛析。而內外潛通。前開唐中。彌望廣滌。顧臨太液。滄池潏沏。漸臺立於中央。赫眈眈以弘敞。清淵洋洋。神山峩峩。列瀛洲與方丈。夾蓬萊而駢羅。上林岑以壘嶸。下嶺巖以品結。長風激於別隄。起洪濤而揚波。浸石菌於重涯。濯靈芝以朱柯。海若

游於玄渚。鯨魚失流而蹉跎。於是采少君之端信。庶樂大之貞固。立修莖之仙掌。承雲表之清露。屑瓊藥以朝餐。必性命之可度。美往昔之松喬。要羨門乎天路。想升龍於鼎湖。豈時俗之足慕。若歷世而長存。何遽營乎陵墓。徒觀其城郭之制。則旁開三門。參塗夷庭。方軌十二街衢。相經廛里。端直薨宇。齊平北闕。甲第當道。直啓程巧。致功期不弛。侈木衣綵。錦土被朱。紫武庫禁兵。設在蘭錡。匪石匪董。疇能宅此。爾乃廓開九市。通闕帶闔。旗亭五重。俯察百隧。周制大胥。今也惟尉。壤貨方至。鳥集鱗萃。鬻者兼贏。求者不匱。爾乃商賈百族。裨販夫婦。鬻良雜苦。蚩眩鄙何必昏。於作勞邪。贏優而足。恃彼肆人之男女。麗美奢乎許史。若夫翁伯濁質。張里之家。擊鐘

伏木棲寓居穴託起彼集此霍繹紛泊在彼靈囿之中前後
無有垠鏐虞人掌焉爲之營城焚萊平場柞木翦棘結且百
里迄杜蹊塞鹿麋麋駢田偃仄天子乃駕雕軫六駿駁戴
翠帽倚金較璿弁玉纓遺光儵儵建玄弋樹招搖樓鳴鳶曳
雲梢弧旌枉矢虹旃蜺旌華蓋承辰天畢前驅千乘雷動萬
騎龍趨屬車之遙載獫狁獯匪惟翫好廼有秘書小說九百
本自虞初從容之求寔俟寔儲於是蚩尤秉鉞奮鬣被殷禁
禦不若以知神姦魑魅蝸蚘莫能逢旃陳虎旅於飛廉正壘
壁乎上蘭結部曲整行伍燎京薪馘雷鼓縱獵徒赴長莽迺
卒清候武士赫怒緹衣韎韐睢盱拔扈光炎燭天庭踴聲震
海浦河渭爲之波盪吳嶽爲之阨堵百禽懷遽駭瞿奔觸喪

精亡蒐矢歸忘趨投輪關輻不邀自遇飛罕瀟飈流鏑撓擗
矢不虛舍鋌不苟躍當足見張值輪被轢僵禽斃獸爛若磧
礫但觀目羅之所緝結竿受之所挫畢叉族之所攙掬徒搏
之所撞杪白日未及移晷已獮其十七八若夫遊鵠高翬絕
阮踰斤甕兔聯像陵巒超壑比諸東郭莫之能獲乃有迅羽
輕足尋景追括鳥不暇舉獸不得發青骹擊於韞下韓盧噬
於絛末及其猛毅鬚鬚隅目高睨威懾兕虎莫之敢伉乃使
中黃之士育獲之儔朱鬣垂髮植髮如竿袒裼戟手奎踞盤
桓鼻赤象圈巨挺擅狒狒批獠狻猊攢柢落突棘藩梗林爲之
靡拉樸叢爲之摧殘輕銳僥倖趨捷之徒赴洞穴探封狐陵
重巘獵昆駮杪木末獲衛獬超殊榛帶飛鼯是時後宮嬖人

昭儀之倫常亞於乘輿慕賈氏之如臯樂北風之同車盤于
遊畋其樂只且於是鳥獸殫目觀窮遷延邪睨集乎長楊之
宮息行夫展車馬收禽舉幣數課衆寡置互擺牲頒賜獲鹵
割鮮野饗犒勤賞功五軍六師千列百重酒車酌醴方駕授
養升觴舉燧旣醕鳴鐘膳夫馳騎察貳廉空炙魚鰾清醑致
皇恩溥洪德施徒御悅士忘罷巾車命駕迴旆右移儀倅乎
五柞之館旋憩乎昆明之池登豫章簡增紅蒲且發弋高鴻
挂白鶴聯飛龍磻不特絰往必加雙於是命舟牧爲水嬉浮
鵠首翳雲芝垂翟葆建羽旗齊棹女縱櫂歌發引和投鳴葢
奏淮南度陽阿感河雋懷湘娥驚蜩螗憚蛟蛇然後釣魴鱧
纒鰕鮒撫紫貝搏耆龜搯水豹罽潛牛澤虞是濫何有春秋

摘滌澣搜川瀆布九戲設罝麗操鯢鮪殄水族藻藕拔蜃蛤
剝筵欲畋鮫效獲麋麋摎蓼泮浪乾池滌藪上無逸飛下無
遺走獲胎拾卵蚺蜥盡取取樂今日逢恤我後旣定且寧焉
知傾陲大駕幸乎平樂之館張甲乙而襲翠被攢珍寶之玩
好紛瑰麗以夸靡臨迴望之廣場程角觝之妙戲鳥獲扛鼎
都盧尋橦衝狹驚灌胃突鈺鋒跳丸劍之揮霍走索上而相
逢華嶽峩峩岡巒參差神木靈草朱實離離總會仙倡戲豹
舞羆白虎鼓瑟蒼龍吹簫女娥坐而長歌聲清暢而蛟蛇洪
涯立而指麾被毛羽而襪襪度曲未終雲起雪飛初若飄飄
後遂霏霏複陸重閣轉石成雷礚礚激而增響磅礚象乎天
威巨獸百尋是爲蔓延神山崔巍欬從背見熊虎升而擎攫

援狄超而高援。恠獸陸梁。大雀陵陵。白象行孕。垂鼻麟輅。海
鱗變而成龍。狀踔踔以蠕蠕。舍利颺颺。化爲仙車。驪駕四鹿。
芝蓋九葩。蟾蜍與龜。水人弄蛇。奇幻倏忽。易貌分形。吞刀吐
火。雲霧杳冥。晝地成川。流渭通涇。東海黃公。赤刀粵祝。冀厭
白虎。卒不能救。挾邪作蠱。於是不售。爾乃建戲車。樹修旃。倏
僮逞材。上下翩翩。突倒投而跟挂。譬殞絕而復聯。百馬同轡。
騁足並馳。橦末之伎。態不可殫。彎弓射乎西羌。又顧發乎鮮
卑。於是衆變盡。心醒醉。盤樂極。悵懷萃陰。戒期門微行。要屈
降尊。就卑懷璽。藏絃便旋。閭閻周觀。郊遂若神。龍之變化。彰
后皇之爲貴。然後歷掖庭。適歡館。捐衰色。從嬾婉。促中堂之
陘坐。羽觴行而無算。祕舞更奏。妙材騁伎。妖蠱豔夫。夏姬美

聲暢於虞氏。始徐進而羸形。似不任乎羅綺。嚼清商而却轉。
增嬋娟以此。身紛縱體而迅赴。若驚鶴之羣。熊振朱履於盤
樽。奮長袖之颯纚。要紹修態。麗服颺菁。昭藐流盼。一顧傾城。
展季桑門。誰能不營列爵。十四競媚。取榮盛衰無常。惟愛所
丁。衛后興於鬢髮。飛燕寵於體輕。爾乃逞志究欲。窮身極娛。
鑒戒唐詩。他人是媮。自君作故。何禮之拘。增昭儀於婕妤。賢
既公而又侯。許趙氏以無上。思致薰於有虞。王閼爭於坐側。
漢載安而不渝。高祖創業。繼體承基。誓勞永逸。無爲而治。耽
樂是從。何慮何思。多歷年所。二百餘基。徒以地沃野豐。百物
殷阜。巖險周固。襟帶易守。得之者強。據之者久。流長則難竭。
柢深則難朽。故奢泰肆情。而馨烈彌茂。鄙生生乎三百之外。

傳聞於未聞之者。曾髣髴其若夢。未一隅之能觀。此何與於
殷人。屢遷前八。而後五。居相圯耿。不常厥土。盤庚作誥。帥人
以苦。方今聖上。同天號于帝皇。掩四海而爲家。富有之業。莫
我大也。徒恨不能以靡麗爲國華。獨儉嗇以齷齪忘蟋蟀之
謂。何豈欲之。而不能將能之。而不欲歟。蒙竊惑焉。願聞所以
辯之之說也。

東京賦

張衡

安處先生。於是似不能言者。憮然有間。乃莞爾而笑。曰。若客
所謂。未學膚受。貴耳而賤目者也。苟有胸而無心。不能節之
以禮。宜其陋今而榮古矣。由余以西戎孤臣。而惺穆公於宮
室。如之何其以溫故。知新。研覈是非。近於此惑。周姬之末。不

能厥政。政用多僻。始於宮鄰。卒於金虎。嬴氏搏翼。擇肉西邑。
是時也。七雄竝爭。競相高以奢麗。楚築章華。於前趙建叢臺。
於後秦政利觜長距。終得擅場。思專其侈。以莫已若。乃構阿
房。起甘泉。結雲閣。冠南山。征稅盡人力。殫然後收。以太半之
賦。威以參夷之刑。其遇民也。若雉氏之芟草。旣蘊崇之。又行
火焉。慄慄黔首。豈徒踰高天。踰厚地而已哉。乃救死於其頸。
毆以就役。唯力是視。百姓不能忍。是用息肩於大漢。而欣戴
高祖。高祖膺籙受圖。順天行誅。杖朱旗而建大號。所推必上。
所存必固。掃項軍於垓下。繼子嬰於軹塗。因秦宮室。據其府
庫。作洛之制。我則未暇。是以西匠營宮。目翫阿房。規摹踰溢。
不度不臧。損之又損。然尚過於周堂。觀者狹而謂之陋。帝已

譏其泰而弗康。且高既受命，建家造我區夏矣。文又躬自菲薄，洽致升平之德。武有大啟土宇，紀禪肅然之功。宣重威以撫和戎狄，呼韓來享，咸用紀宗存主，饗祀不輟。銘勲彝器，歷世彌光。今捨純懿而論爽德，以春秋所譁而爲美談，宜無嫌於往初。故蔽善而揚惡，祇吾子之不知言也。必以肆奢爲賢，則是黃帝合宮，有虞總期，固不如夏癸之瑤臺，殷辛之瓊室也。湯武誰革而用師哉？蓋亦覽東京之事，以自寤乎。且夫天子有道，守在海外，守位以仁，不恃隘害。苟民志之不諒，何云巖險與襟帶？秦負阻於二關，卒開項而受沛，彼偏據而規小，豈如宅中而圖大？昔先王之經邑也，掩觀九隩，靡地不營。土圭測景，不縮不盈，總風雨之所交，然後以建王城，審曲而面勢。

沂洛背河，左伊右瀍，西阻九阿，東門于旋，盟津達其後，太谷通其前，廻行道乎伊闕，邪徑捷乎轅轅，太室作鎮，揭以熊耳，底柱輟流，鐔以大呿，溫液湯泉，黑丹石緇，王鮪岫居，龍鼈趾處，妃攸館，神用挺紀，龍圖授羲，龜書畀姒，召伯相宅，卜惟洛食，周公初基，其繩則直，棖弘魏舒，是廓是極，經途九軌，城隅九雉，度堂以筵，度室以几，京邑翼翼，四方所視，漢初弗之宅也。故宗緒中圯，巨猾間，豐竊弄神器，歷載三六，偷安天位，于時蒸民罔敢或貳，其取威也重矣。我世祖忿之，乃龍飛白水，鳳翔參墟，授鉞四七，共工是除，櫓槍旬始，羣凶靡餘，區宇乂寧，思和求中，睿哲玄覽，都茲洛宮，日止日時，昭明有融，既光厥武，仁洽道豐，登岱勒封，與黃比崇，逮至顯宗，六合殷昌。

乃新崇德遂作德陽啟南端之特闢立應門之將將昭仁惠
於崇賢抗義聲於金商飛雲龍於春路屯神虎於秋方建象
魏之兩觀旌六典之舊章其內則含德章臺天祿宣明溫飭
迎春壽安永寧飛閣神行莫我能形濯龍芳林九谷八溪芙
蓉覆水秋蘭被涯渚戲躍魚淵游龜螭永安離宮脩竹冬青
陰池幽流玄泉列清鴈鵠秋樓鵲鵲春鳴睢鳩麗黃關關嚶
嚶於南則前殿雲臺飭驩安福譟門曲榭邪阻城洫奇樹珍
果鉤盾所職西登少華亭候修勅九龍之內寔曰嘉德西南
其戶匪雕匪刻我后好約乃宴斯息於東則洪池清瀾淶水
澹澹內阜川禽外豐葭菼獻龍蜃與龜魚供螭廬與菱芡其
西則有平樂都場示遠之觀龍雀蟠蜿天馬半漢瑰異譎詭

燦爛炳煥奢未及侈儉而不陋規遵王度動中得趣於是觀
禮禮舉義具經始勿亟成之不日猶謂爲之者勞居之者逸
慕唐虞之茅茨思夏后之卑室乃營三宮布政頒常複廟重
屋八達九房規天矩地授時順鄉造舟清池惟水泱泱左制
辟雍右立靈臺因進距衰表賢簡能馮相觀祲祈禱禳災於
是孟春元日羣后旁戾百僚師師于斯胥洎藩國奉聘要荒
來質具惟帝臣獻琛執贄當觀於殿下者蓋數萬以二爾乃
九賓重臚人列崇牙張鏞鼓設郎將司階虎戟交鉞龍輅充
庭雲旗拂霓夏正三朝庭燎哲哲撞洪鐘伐靈鼓旁震八鄙
軒轅隱訇若疾霆轉雷而激迅風也是時稱警蹕已下彫輦
於東廂冠通天佩玉璽紆皇組要干將負斧晨次席紛純左

右玉几穆穆而南面以聽矣。然後百辟乃入。司儀辨等尊卑以班。璧羔皮帛之贄既奠。天子乃以三揖之禮禮之。穆穆焉皇皇焉。濟濟焉。將將焉。信天下之壯觀也。乃羨公侯卿士登自東除。訪萬機。詢朝政。勤恤民隱而除其害。人或不得其所。若已納之於隍。荷天下之重任。匪怠皇以寧靜。發京倉散禁財。資皇僚逮與臺命膳夫以大饗。饗餼浹乎家。陪春醴惟醇。燔炙芬芬。君臣歡康。具醉薰薰。千品萬官已事而竣。勤屢省懋乾乾。清風協於玄德。醇化通於自然。憲先靈以齊軌。必三思以顧愆。招有道於仄陋。開敢諫之直言。聘丘園之耿紫。旅束帛之戔戔。上下通情。式宴且盤。及將祀天郊。報地功。祈福乎上玄。思所以爲虔肅肅之儀。盡穆穆之禮。殫然後以獻精誠。奉禋祀曰允矣。天子者也。乃整法服。正冕帶。珩紱紕纓。玉

笄。綦會火龍黼黻藻綵。鞞厲結飛雲之袷。輅樹翠羽之高蓋。建辰旒之太常。紛焱悠以容裔。六玄虬之弁弁。齊騰驤而沛艾。龍輶華轡。金鉸鏤錫。方鈇左肅。鈎膺玉璫。鑾聲噦噦。和鈴缺缺。重輪貳轄。疏轂飛軫。羽蓋歲蕤。葩瑤曲莖。順時服而設副。咸龍旂而繁纓。立戈迤戛。農輿輅木。屬車九九。乘軒並轂。璚駟重旃。朱旄青屋。奉引既畢。先輅乃發。鸞旗皮軒。通帛結旒。雲罕九旂。關戟轆轤。髣髴被繡。虎夫戴鵲。駟承華之蒲梢。飛流蘇之騷殺。總輕武於後陳。奏嚴鼓之嘈囂。戎士介而揚揮。戴金鉦而建黃鉞。清道案列。天行星陳。肅肅習習。隱隱騶駼。殿未出乎城闕。旆已迴乎郊畛。盛夏后之致美。爰恭敬於

明神爾乃孤竹之管。雲和之瑟。雷鼓鼗。六變既畢。冠華秉翟。列舞八佾。元祀惟稱。羣望咸秩。颺燿燎之炎。錫致高煙乎太一。神歆馨而顧德。祚靈主以元吉。然後宗上帝於明堂。推光武以作配。辨方位而正則。五精帥而來摧。尊赤氏之朱光。四靈懋而允懷。於是春秋改節。四時迭代。蒸蒸之心。感物增思。躬追養於廟祧。奉蒸嘗與禴祠。物牲辯省。設其福衡。毛魚豚胎。亦有和羹。滌濯靜嘉。禮儀孔明。萬舞奕奕。鐘鼓喤喤。靈祖皇考。來顧來饗。神具醉止。降福穰穰。及至農祥。晨正土膏。脉起乘鑾。輅而駕蒼龍。介馭間以剡耜。躬三推於天田。修帝籍之千畝。供禘郊之粢盛。必致思乎勤已。兆民勸於疆場。咸懋力以耘耔。春日載陽。合射辟雍。設業設虞。宮懸金鋪。鼗鼓

路鼗。樹羽幢幢。於是備物物有其容。伯夷起而相儀。后夔坐而爲工。張大侯。制五正。設三乏。屏司旌。并夾既設。儲乎廣庭。於是皇興夙駕。釐於東階。以須消啟。明掃朝霞。登天光於扶桑。天子乃撫玉輅。時乘六龍。發鯨魚鏗華鐘。大丙弭節。風后陪乘。攝提運衡。徐至於射宮。禮事展樂。物具王夏。闕騶虞奏。決拾既次。彫弓斯設。逢餘萌於暮春。昭誠心以遠喻。進明德而崇業。滌饗饗之食欲。仁風衍而外流。誼方激而遐驚。日月會於龍狔。恤民事之勞疚。因休力以息勤。致歡忻於春酒。執鑾刀以祖割。奉觴豆於國叟。降至尊以訓恭。送迎拜乎三壽。敬慎威儀。示民不偷。我有嘉賓。其樂愉愉。聲教布濩。盈溢天區。文德既昭。武節是宣。三農之隙。耀威中原。歲惟仲冬。大閱

西園虞人掌馬先期戒事悉率百禽鳩諸靈囿獸之所同是
謂告備乃御小戎撫輕軒中收四牡既佶且閑戈矛若林牙
旗繽紛迄于上林結徒爲營次和樹表司鐸授鉦坐作進退
節以軍聲三令五申示戮斬牲陳師鞠旅教達禁成火烈具
舉武士星敷鵠鶴魚麗箕張翼舒軌塵掩迹匪疾匪徐馭不
詭遇射不翦毛升獻六禽時膳四膏馬足未極輿徒不勞成
禮三毆解罟放麟不窮樂以訓儉不殫物以昭仁慕天乙之
弛咎因教祝以懷民儀姬伯之渭陽失熊羆而獲人澤浸昆
蟲威振八萬好樂無荒允文允武薄狩于敖旣瑣瑣焉岐陽
之蒐又何足數爾乃卒歲大雉毆除羣穢方相秉鉞巫覡操
劬倭子萬童丹首玄製桃弧棘矢所發無臬飛礮雨散剛渾

必斃燁火馳而星流逐赤疫於四裔然後凌天池絕飛梁捐
魑魅斯猶狂斬蛟蛇腦方良囚耕父於清泠溺女魑於神潢
殘夔魑與罔象殪野仲而殲游光八靈爲之震懼况魑魍與
畢方度朔作梗守以鬱壘神荼副焉對操索葦日察區陬司
執遺鬼京室密清罔有不逮於是陰陽交和庶物時育卜征
考祥終然允淑乘輿巡乎岱嶽勸稼穡於原陸同衡律而一
軌量齊急舒於寒燠省幽明以黜陟乃反旆而廻復望先帝
之舊墟慨長思而懷古俟聞風而西遐致恭祀於高祖旣春
游以發生啟諸蟄於潛戶度秋豫以收成觀豐年之多稔嘉
田畯之匪懈勤致賚于九扈左瞰鳴谷右睨玄圃眇天末以
逮期規萬世而大舉且歸來以釋勞膺多福以安念總集瑞

命備致嘉祥。園林氏之騶虞。擾澤馬與騰黃。鳴女牀之鸞鳥。舞丹穴之鳳皇。植華平於春圃。豐朱草於中唐。惠風廣被。澤洎幽荒。北燮下令。南諧越裳。西包大秦。東過樂浪。重舌之人。九譯僉稽首而來王。是故論其遷邑。易京則同規乎殷盤。改奢卽儉。則合美乎斯干。登封降禪。則齊德乎黃軒。爲無爲事。無事永有民。以孔安。遵節儉。尚素樸。思仲尼之克已。履老氏之常足。將使心不亂其所在。目不見其可欲。賤犀象。簡珠玉。藏金於山。抵璧於谷。翡翠不裂。璚瑁不族。所貴惟賢。所寶惟穀。民去末而反本。咸懷忠而抱慤。于斯之時。海內同悅曰。吁。漢帝之德馨。侯其禕而蓋。冀英爲難。時也。故曠世而不覲。惟我后能植之。以至和平。方將數諸朝階。然則道胡不懷。化胡

不柔。聲與風翔。澤從雲遊。萬物我賴。亦又何求。德寓天覆。輝裂光燭。狹三王之趨。越軼五帝之長驅。踵二皇之遐武。誰謂駕遲而不能屬。東京之懿末。罄值余有大馬之疾。不能究其精詳。故粗爲賓言。其梗槩如此。若乃流遁忘反。放心不覺。樂而無節。後離其戚。一言幾於喪國。我未之學也。且夫挈筭之智。守不假器。況纂帝業而輕天位。瞻仰二祖。厥庸孔肆。常翹翹以危懼。若乘奔而無轡。白龍魚服。見困豫且。雖萬乘之無懼。猶怵惕於一夫。終日不離於輜重。獨微行其焉。如夫君人者。駐績塞耳。車中不內顧。珮以制容。鑒以節塗。行不變玉。駕不亂步。却走馬以糞車。何惜騶虞與飛兔。方其用財。取物常懼。生類之殄也。賦政任役。常畏人力之盡也。取之以道。用之

以時山無槎枿。畋不麋胎。草木繁廡。鳥獸阜滋。民忘其勞。樂輸其財。百姓同於饒衍。上下共其雍熙。洪恩素蓄。民心固結。執義顧主。夫懷貞節。忿姦慝之干命。怨皇統之見替。玄謀設而陰行。合二九而成譎。登聖皇於天階。章漢祚之有秩。若此。故王業可樂焉。今公子苟好勦民。以媮樂。忘民怨之爲仇也。好殫物以窮寵。忽下叛而生憂也。夫水所以載舟。亦所以覆舟。堅冰作於履霜。尋木起於蘖栽。昧旦不顯。後世猶怠。況初制於甚泰。服者焉能改裁。故相如壯上林之觀。揚雄騁羽獵之辭。雖系以頽墻填塹。亂以收豎解采。卒無補於風規。祇以昭其愆尤。臣濟參以陵君忘經國之長基。故函谷擊柝於東西。朝廷顛覆而莫持。凡人心是所學。體安所習。鮑肆不知其

臭。翫其所以。先人咸池不齊。度於鼃咬。而衆聽者惑疑。能不惑者。其唯子野乎。客旣醉於大道。飽於文義。勸德畏戒。喜懼交爭。罔然若醒。朝疲夕倦。奪氣褫魄。鬼之爲者也。忘其所以爲。談失其所以爲。夸良久。乃言曰。鄙哉予乎。予習非而遂迷也。幸見指南於吾子。若僕所聞。華而不實。先生之言。信而有徵。鄙夫寡識。而今而後。乃知大漢之德馨。咸在於此。昔常恨三墳五典。旣泯。仰不覩炎帝帝魁之美。得聞先生之餘論。則大庭氏何以尚茲。走雖不敏。庶斯達矣。

南都賦

張衡

於顯樂都。旣麗且康。陪京之南。居漢之陽。割周楚之豐壤。跨荆豫而爲疆。體夾塏以閑敞。紛郁郁其難諄。爾其地勢則武

闕關其西。桐栢揭其東。流滄浪而爲隍。廓方城而爲墉。湯谷
涌其後。清水盪其胸。推淮引湍。三方是通。其寶利珍。在則金
彩玉璞。隨珠夜光。銅錫鉛錯。赭堊流黃。綠碧紫英。青腹丹粟。
太一餘糧。中黃穀玉。松子神陂。赤靈解角。耕父揚光。於清冷
之淵。游女弄珠。於漢臯之曲。其山則崆峒嶠嶠。嶠嶠嶠嶠。嶠嶠
嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。
嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。嶠嶠嶠嶠。
爾而中絕。鞠巍巍其隱天。俯而觀乎雲霓。若夫天封大狐。列
仙之嘔。上平衍而曠蕩。下蒙籠而崎嶇。坂坻截辟。而成巉谿。
壑錯繆而盤紆。芝房菌蠢。生其隈。玉膏滂溢。流其隅。崑崙無
以多聞。風不能踰。其木則檉松栲櫟。檉栢桤樗。楓柙樗櫟。帝
女之桑。楸枅栢栢。栢栢栢栢。栢栢栢栢。栢栢栢栢。栢栢栢栢。栢栢栢栢。栢栢栢栢。
女之桑。楸枅栢栢。栢栢栢栢。栢栢栢栢。栢栢栢栢。栢栢栢栢。栢栢栢栢。栢栢栢栢。

萋萋敷華。榮之萋萋。玄雲合而重陰。谷風起而增哀。攢立叢
駢青冥。肝脾杏藹。發鬱於谷底。森尊尊而刺天。虎豹黃熊。游
其下。穀獵狻猊。戲其巔。鸞鷟鵠鵠。翔其上。騰援飛獵。棲其間。
其竹則籊籊簞簞。篋篋篋篋。篋篋篋篋。篋篋篋篋。篋篋篋篋。篋篋篋篋。篋篋篋篋。篋篋篋篋。
風靡雲披。爾其川瀆。則澶澶藻澶。澶澶澶澶。澶澶澶澶。澶澶澶澶。澶澶澶澶。澶澶澶澶。澶澶澶澶。
澶澶布濩。漫汗滂沱。洋溢總括。趣飲箭馳。風疾流湍。投濺粉
八。朝軋長輪。遠逝。滂淚滅汨。其水蟲則有蠓龜鳴蜺。潛龍伏
螭。鱣鱣鰪鰋。龍鼉鮫鰈。巨蚌函珠。蛟螭委蛇。於其陂澤。則有
鉗盧玉池。赭陽東陂。貯水渟渟。巨望無涯。其草則有蕪芋。蘋
芡。蔣菰蒹葭。藻荇菱芡。芙蓉含華。從風發榮。非披芬葩。其鳥
則有鴛鴦鵠鵠。鴻鵠鵠鵠。鵠鵠鵠鵠。鵠鵠鵠鵠。鵠鵠鵠鵠。鵠鵠鵠鵠。鵠鵠鵠鵠。
則有鴛鴦鵠鵠。鴻鵠鵠鵠。鵠鵠鵠鵠。鵠鵠鵠鵠。鵠鵠鵠鵠。鵠鵠鵠鵠。鵠鵠鵠鵠。

淡隨波其水則開竇瀝流浸彼稻田溝澮脈連堤塍相轄朝
雲不興而潢潦獨臻決渌則曠爲漑爲陸冬稼夏穡隨時代
熟其原野則有桑漆麻苧菽麥稷黍百穀蕃廡翼翼與與若
其園圃則有蓼葢藟荷諸蔗薑藟荻萸芋瓜乃有櫻梅山楂
侯桃梨栗棗若櫛穰橙鄧橘其香草則有薜荔蕙若薇蕪
蓀葦菴曖蒨蔚含芬吐芳若其厨膳則有華薌重秬潢臯香
杭歸鴈鳴鷄黃稻鱸魚以爲芍藥酸甜滋味百種千名春卵
夏筍秋韭冬菁蘇菽紫薑拂微羶腥酒則九醞甘醴十旬兼
清醪敷徑寸浮蟻若萍其甘不爽醉而不醒及其糾宗綏族
禴祠蒸嘗以速遠朋嘉賓是將揖讓而升宴于蘭堂珍羞琅
玕充溢圓方珠璣玃金銀琳琅侍者蠶媚巾幘鮮明被服

雜錯履躡華英儼才齊敏受爵傳觴獻酬既交率禮無違彈
琴擲簫流風徘徊清角發徵聽者增哀客賦醉言歸主稱露
未晞接歡宴於日夜終愷樂之令儀於是暮春之禊元巳之
辰方軌齊軫被于陽瀕朱帷連網曜野映雲男女妓服駉驛
續紛致節程蠱優紹便娟微眇流眄蛾眉連卷於是齊僮唱
兮列趙女坐南歌兮起鄭舞白鶴飛兮蘭曳緒脩袖繚繞而
滿庭羅襪躡蹠而容與翩緜緜其若絕眩將墜而復舉翹遙
遷延蹀躞躡蹠結九秋之增傷怨西荆之折盤彈箏吹笙更
爲新聲寡婦悲吟鷄雞哀鳴坐者悽歎蕩寬傷情於是羣士
放逐馳乎沙場驟驥齊鑣黃閒機張足逸驚蹊鋌析毫芒俯
貫魴鱖仰落雙鷁魚不及窺鳥不暇翔爾乃撫輕舟兮浮清

池亂北渚兮揭南涯。汰瀟灑兮船容裔。陽侯濤兮掩鳧鷖。追水豹兮鞭蝮蛇。憚夔龍兮怖蛟螭。於是日將逮昏。樂者未荒。收歡命駕兮背迴塘。車雷震而風厲。馬鹿超而龍驤。夕暮言歸。其樂難忘。斯乃游觀之好。耳目之娛。未覩其美者焉。足稱舉。夫南陽者。真所謂漢之舊都也。逮世則劉后甘厥龍醢。視魯縣而來遷。奉先帝而追孝。立唐祀於堯山。固靈根於夏葉。終三代而始蕃。非純德之宏圖。孰能揆而處旃。近則考侯思故。匪居匪寧。穢長沙之無樂。歷江湘而北征。矚朱光於白水。會九世而飛榮。察茲邦之神偉。啓天心而寤靈。於是宮室則有園廬。舊宅隆崇。崔嵬御房。穆以華麗。連閣煥其相徽。聖皇之所逍遙。靈祇之所保綏。章陵鬱以青蔥。清廟肅以微微。皇

祖歆而降福。彌萬祀而無衰。帝王臧其擅美。詠南音以顧懷。且其君子弘懿明。敬允恭溫。良容止可則。出言有章。進退屈申。與時抑揚。方今天地之睢刺。帝亂其政。豺虎肆虐。真人革命之秋也。爾其則有謀臣武將。皆能攫戾執猛。破堅摧剛。排捷陷。肩楚蹈咸陽。高祖階其塗。光武攬其英。是以關門反距。漢德久長。及其去危乘安。視人用遷。周召之儔。據鼎足焉。以庀王職。搢紳之倫。經綸訓典。敷納以言。是以朝無闕政。風烈昭宣也。於是乎鯢齒眉壽。鮒背之叟。皤皤然被黃髮者。喟然相與歌曰。望翠華兮歲建。建太常兮徘徊。徘徊飛龍兮騖騖。振和鑿兮京師。總萬乘兮徘徊。按平路兮來歸。豈不思天子南巡之辭者哉。遂作頌曰。皇祖止焉。光武起焉。據彼河洛。統四

海焉。本枝百世。位天子焉。永世克孝。懷桑梓焉。真人南巡。觀舊里焉。

三都賦序

左思

蓋詩有六義焉。其二曰賦。楊雄曰。詩人之賦。麗以則。班固曰。賦者。古詩之流也。先王採焉。以觀土風。見綠竹猗猗。則知衛地淇澳之產。見在其版屋。則知秦野西戎之宅。故能居然而辨。八方然相如賦。上林而引盧橘。夏熟楊雄賦。甘泉而陳玉樹。青蔥班固賦。西都而歎以出。此目張衡賦。西京而述以游海。若假稱珍。惟以爲潤色。若斯之類。匪帝於茲。考之果木。則生非其壤。校之神物。則出非其所。於辭則易爲藻飾。於義則虛而無徵。且夫玉卮無當。雖寶非用。侈言無驗。雖麗非經。而

論者莫不詆訐其研精作者。大氏舉爲憲章。積習生常。有自來矣。予旣思摹二京。而賦三都。其山川城邑。則稽之地圖。鳥獸草木。則驗之方志。風謠歌舞。各附其俗。魁梧長者。莫非其舊。何則。發言爲詩者。詠其所志也。升高能賦者。頌其所見也。美物者。貴依其本。讚事者。宜本其實。匪本匪實。覽者奚信。且夫任土作貢。虞書所著。辨物居方。周易所慎。聊舉其一隅。攝其體統。歸諸詰訓焉。

蜀都賦

有西蜀公子者。言於東吳王孫曰。蓋聞天以日月爲綱。地以四海爲紀。九土星分。萬國錯峙。嶠函有帝王之宅。河洛爲王者之里。吾子豈亦曾聞蜀都之事歟。請爲左右揚摧而陳之。

夫蜀都者蓋兆基於上世開國於中古廓靈關而爲門包玉
壘而爲宇帶二江之雙流抗峨眉之重阻水陸所湊兼六合
而交會焉豐蔚所盛茂八區而菴藹焉於前則跨躡健群枕
倚交趾經途所亘五千餘里山阜相屬含谿懷谷岡巒糾紛
觸石吐雲鬱蒼蒼以翠微崑崙巍以峨峨干青霄而秀出舒
丹氣以爲霞龍池渴瀑漬其隈漏江伏流漬其阿汨若湯谷
之揚濤沛若濛汜之涌波於是乎叩竹緣嶺茵桂臨崖旁挺
龍目側生荔枝布綠葉之萋萋結朱實之離離迎隆冬而不
凋常曄曄而猗猗孔翠羣翔犀象競馳白雉朝雛猩猩夜啼
金馬騁光而絕景碧雞儵忽而耀儀火井沈燄於幽泉高燭
飛燭於天垂其間則有虎珀丹青江珠瑕英金沙銀礫符采

彪炳暉麗灼爍於後則却背華容北指崑崙緣以劍閣阻以
石門流漢湯湯驚浪雷奔望之天廻卽之雲昏水物殊品鱗
介異族或藏蛟螭或隱碧玉嘉魚出於丙穴良木攢於褒谷
其樹則有木蘭檉桂杞櫛椅桐櫻杼楔樅梗柗幽藹於谷底
松柏蒼鬱於山峯擢脩幹竦長條扇飛雲拂輕霄羲和假道
於峻岐陽鳥廻翼乎高標巢居棲翔聿兼鄧林穴宅奇獸窠
宿異禽熊羆咆其陽鵬鶚鵠其陰狻猊騰希而競捷虎豹長
嘯而永吟於東則左緜巴中百濮所充外負銅梁於宕渠內
函要害於膏腴其中則有巴菽巴戟靈壽桃枝樊以菹圃濱
以鹽池蠍蟻山棲龜龜水處潛龍蟠於沮澤應鳴鼓而興雨
丹沙絕熾出其坂蜜房郁毓被其阜山圖采而得道赤斧服

而不朽。若乃剛悍生其方，風謠尚其武奮之。則賓旅翫之，則
渝舞競氣，剽於中葉。躋客世於樂府，於西則右挾岷山，涌瀆
發川。陪以白狼夷歌，成章垌野草味。林麓黝霭，交讓所植。蹲
鵠所伏，百藥灌叢。寒卉冬馥，異類多夥。于何不育，其中則有
青珠黃環，碧瓘芒消。或豐綠萼，或蕃丹椒。蘼蕪布瀟於中阿，
風連延蔓於蘭皋。紅葩紫飾，柯葉漸苞。敷葉歲終，落英飄飄。
神農是嘗，盧附是料。芳追氣邪，味蠲癘疢。其封域之內，則有
原隰墳衍，通塋彌博。演以潛沫，浸以縣洛。溝洫脈散，疆里綺
錯。黍稷油油，稷稻莫莫。指渠口以爲雲門，灑漉池而爲陸澤。
雖畢星之滂沱，尚未齊其膏液。爾乃邑居隱賑，夾江傍山。棟
宇相望，桑梓接連。家有鹽泉之井，戶有橘柚之園。其園則有

林檎枇杷，橙柿梅棗。桴桃函列，梅李羅生。百果甲宅，異色同
榮。朱櫻春熟，素柰夏成。若乃大火流涼，風厲白露。凝微霜結，
紫梨津潤。橘栗罇發，蒲桃亂潰。石榴競裂，甘至自零。芬芳醕
烈，其圃則有蒟蒻茱萸，瓜疇芋區。甘蔗辛薑，陽蔭陰敷。日往
非薇，月來扶疎。任土所麗，衆獻而儲。其沃漉則有攢蔣叢蒲，
綠菱紅蓮。雜以蒹藻，採以蘋蘩。總莖柅柅，裊葉蓁蓁。黃實時
味，王公羞焉。其中則有鴻傳鵠侶，鷺鷥鵝鴈。晨鳧旦至，候鴈
銜蘆。木落南翔，冰泮北徂。雲飛水宿，呷吭清渠。其潏則有白
龍命鼈，玄獺土祭。鱸鮓鱖魴，鯉鱣鯢鯢。鱗次色錦，質報章
羅。濤戲瀨中流，相忘於是。乎金城石郭，兼市中區。旣麗且崇，
實號成都闕。一九之通門，畫方軌之廣塗。營新宮於爽塏，擬

承明而起廬結陽城之延閣飛觀榭乎雲中開高軒以臨山
列綺窓而瞰江內則議殿爵堂武義虎威宣化之闕崇禮之
闕華闕雙遶重門洞開金鋪交映玉題相暉外則軌躅八達
里開對出比屋連甍千廡萬室亦有甲第當衢向術壇宇顯
敞高門納駟庭扣鐘磬堂撫琴瑟匪葛匪姜疇能是恤亞以
少城接乎其西市鄺所會萬商之淵列隧百重羅肆巨千賄
貨山積纖麗星繁都人士女衺服靚粧賈貿帶驚舛錯縱橫
異物詭譎奇於八方布有幢華麴有杭榔叩杖傳節於大夏
之邑蒟醬流味於番禺之鄉輿輦雜沓冠帶混并累轂疊跡
叛衍相傾諠譁鼎沸則咆聒宇宙驚塵張天則埃壒曜靈闕
闕之裏伎巧之家百室離房機杼相和貝錦斐成濯色江波

黃潤比筒簾金所過侈侈隆富卓鄭埒名公擅山川貨殖私
庭藏鏹巨萬鈔規兼呈亦以財雄翕習邊城三蜀之豪時來
時往養交都邑結儔附黨劇談戲論扼腕抵掌出則連騎歸
從百兩若其舊俗終冬始春吉日良辰置酒高堂以御嘉賓
金罍中坐肴核四陳觴以清醪鮮以紫鱗羽爵執競絲竹乃
發巴姬彈絃漢女擊節起西音於促柱歌江上之飄厲紆長
袖而屢舞翩躚躑躑以裔裔合樽促席引滿相罰樂飲今夕一
醉累月若夫王孫之屬邵公之倫從禽於外巷無居人並乘
驥子俱服魚文玄黃異校結駟續紛西踰金閨東越玉津朔
別晦期匪日匪旬蹙蹙蒙籠涉躑寥廓鷹犬倏眴尉羅絡幕
毛羣陸離羽族紛泊翕響揮霍中網林薄屠廩康翦旄塵帶

文地跨彫虎志未聘時欲晚追輕翼赴絕遠出彭門之闕馳
九折之坂經三峽之崢嶸躡五岼之蹇澹載食鐵之獸射噬
毒之鹿晶獬狴於萋草彈言鳥於森木拔象齒展犀角鳥鍛
翻獸廢足殆而竭來相與第如滇池集乎江洲試水客蟻輕
舟娉江婁與神游罨翡翠釣鯢鮪下高鵠出潛蚪吹洞簫發
權謳感鯉魚動陽侯騰波沸涌珠貝沈浮若雲漢含星而光
耀洪流將饗獠者張帟幕會平原酌清醕割芳鮮飲御酣賓
旅旋車馬雷駭轟轟闐闐若風流雨散漫乎數百里之間斯
蓋宅土之所安樂觀聽之所踴躍也焉獨三川爲世朝市若
乃卓犖奇譎倜儻罔已一經神恠一緯人理遠則岷山之精
上爲井絡天帝運期而會昌景福盼蟹而興作碧出黃弘之

血鳥生杜宇之鬼妄變化而非常嗟見偉於疇昔近則江漢
炳靈世載其英蔚若相如嚼若君平王褒曄曄而秀發楊雄
含章而挺生幽思絢道德摘藻挾天庭考四海而爲雋當中
葉而擅名是故游談者以爲譽造作者以爲程也至乎臨谷
爲塞因山爲障峻阻塋垺長城豁險吞若巨防一人守隘萬
夫莫向公孫躍馬而稱帝劉宗下輦而自王由此言之天下
孰尚故雖兼諸夏之富有猶未若茲都之無量也

